

ЖАҢАЛЫҚТАР

АҚШ пен Иран біріне-бірі шабуыл жасады

11 маусым 2026 жыл, 12:31



АҚШ әскері "Томагаук" зымыранын ұшырған сәт

АҚШ күштері 11 маусымға қараған түні Иранның әскери бақылау құралдарына, байланыс жүйелері мен әуе қорғанысы нысаналарына шабуыл жасады. Бұл шабуыл АҚШ президенті Дональд Трамп Тегеранның Вашингтонмен бейбіт келісім жасау мәселесін "тым ұзақ созғанын" айтып, енді соның "сазайын тартатынын" болады деп мәлімдегеннен кейін жасалған.

Трамп ол сөзін Иран күштері Ормуз бұғазында америкалық Арасче тікұшағын атып түсірген соң екі тарап біріне-бірі шабуыл жасағаннан кейін Truth Social желісінде жазған еді.

Бұған қоса ол АҚШ әскері ақпан-сәуір айлары аралығындағы шабуылдар барысында Иран армиясына елеулі шығын келді деп мәлімдеп, Иранның "құр сөзден басқа ештеңе істемей отырғанын" сөкті.

Fox News телеарнасымен әңгімесінде Трамп АҚШ Иранды бомбалауды қайта бастауға, мысалы, электр станциялары мен көпірлерін нысанаға алуға жақын тұрғанын мәлімдеді. Оның сөзінше, Иран билігі келіссөзді созып, АҚШ-ты алдарқатқысы келеді.

Осының қарсаңында Трамп Иранмен бейбіт келісім өте жақын арада жасалады деп үміттеніп отырғанын мәлімдеген. АҚШ пен Иран арасында араағайындар көмегімен келіссөздер сәуір айынан бері жалғасып келеді. Анда-санда келіссөзге жақын қалды деп айтылғанымен, Тегеранның көпшілікке жасаған мәлімдемелері Иран сол бұрынғысынша, АҚШ-тың бірқатар маңызды талабына мойынсұнбай отыр деп топшылауға себеп болады.

Айдар

ЖАҢАЛЫҚТАР

ЖАЛПЫ АРХИВ